

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

MIŠLJENJE

**Po zahtjevu Nada d.o.o. za trgovinu, ugostiteljstvo i prevoz Derventa i Nada
Transporti d.o.o. za trgovinu, ugostiteljstvo i prevoz Derventa, o obavezi podnošenja
prijave koncentracije**

**Sarajevo
decembar, 2017. godine**



Broj: 01-26-7-25-4/17
Sarajevo, 20.12. 2017. godine

Na osnovu člana 25. stav (1) tačka f) Zakona o konkurenciji (“Službeni glasnik BiH” 48/05, 76/07 i 80/09), a po Zahtjevu privrednih subjekata „Nada“ d.o.o. za trgovinu, ugostiteljstvo i prevoz Derventa i „Nada Transporti“ d.o.o. za trgovinu, ugostiteljstvo i prevoz Derventa, koje zastupa Anđa Đurđević advokat iz Šamca ul. Nikole Pašića bb, 76230 Šamac, Bosna i Hercegovina, zaprimljenom od strane Konkurencijskog vijeća dana 17.11.2017. godine, pod brojem 01-26-7-25-1/17, Konkurencijsko vijeće, na 15. (petnaestoj) sjednici održanoj dana 20.12. 2017. godine, je donijelo

MIŠLJENJE

Privredni subjekti „Nada“ d.o.o. za trgovinu, ugostiteljstvo i prevoz Derventa, ulica Kninska bb. Derventa i „Nada Transporti“ d.o.o. za trgovinu, ugostiteljstvo i prevoz Derventa, ulica Kninska bb. Derventa, (u daljem tekstu: Podnosioci zahtjeva ili Nada d.o.o. i Nada Transporti), podnijeli su Konkurencijskom vijeću Bosne i Hercegovine (u daljem tekstu: Konkurencijsko vijeće) dana 17.11.2017. godine pod brojem 01-26-7-25-1/17 Zahtjev za davanje mišljenja (u daljem tekstu: Zahtjev) u skladu sa Zakonom o konkurenciji (“Službeni glasnik BiH”, br. 48/05, 76/07 i 80/09 – u daljem tekstu: Zakon), kojim traže mišljenje Konkurencijskog vijeća o postojanju obaveze podnošenja prijave koncentracije, s obzirom na Ugovor o spajanju uz pripajanje koji su podnosioci zahtjeva potpisali dana 09.11.2017. godine, kojim privredni subjekt Nada d.o.o. želi pripojiti privredni subjekt Nada Transporti.

Konkurencijsko vijeće je tražilo dopunu Zahtjeva i uplatu administrativne takse aktom broj: 01-26-7-25-2/17 dana 20.11.2017. godine, a Podnosioci zahtjeva su dostavili traženu dokumentaciju podneskom zaprimljenim pod brojem: 01-26-7-25-3/17 od dana 29.11.2017. godine.

Podnosioci zahtjeva traže mišljenje o postojanju obaveze podnošenja prijave koncentracije, te u bitnom navode sljedeće:

- da je privredni subjekt „Nada“ d.o.o. za trgovinu, ugostiteljstvo i prevoz Derventa, registrovan kod Okružnog privrednog suda u Doboju pod brojem: 60-0-Reg-16-000-650 sa pretežnom registrovanom djelatnošću 47.30- Trgovina na malo motornim gorivima u

specijalizovanim prodavnicama, a čiji je jedini član društva Siniša Pečić sa udjelom od 100%.

- da je privredni subjekt „Nada Transporti“ d.o.o. za trgovinu, ugostiteljstvo i prevoz Derventa, ulica Kninska bb. Derventa, registrovan kod Okružnog privrednog suda u Doboju pod brojem: 60-0-Reg-10-000-320 sa pretežnom registrovanom djelatnošću 49.41- Drumski prevoz robe, čiji je jedini član društva Nada d.o.o. sa udjelom od 100%.

- da su dana 09.11.2017. godine privredni subjekti Nada d.o.o. i Nada Transporti zajednički usaglasili i potpisali nacrt Ugovora o spajanju uz pripajanje. Pomenutim nacrtom Ugovora privredni subjekt Nada d.o.o. kao sticalac i privredni subjekt Nada Transporti kao društvo koje prestaje pripajanjem regulišu sva pitanja i sve odnose privrednih društava koja učestvuju u postupku spajanja uz pripajanje, kako je to predviđeno odredbama Zakona o privrednim društvima.

- da je privredni subjekt Nada d.o.o. u 2016. godini ostvarila ukupni godišnji prihod u iznosu od 5.223.059,00 KM na teritoriji Bosne i Hercegovine.

- da je privredni subjekt Nada Transporti u 2016. godini ostvarila ukupni godišnji prihod u iznosu od 1.577.141,00 KM na teritoriji Bosne i Hercegovine.

U skladu sa navedenim, Podnosioci zahtjeva traže mišljenje da li pripajanje privrednog subjekta Nada Transporti privrednom subjektu Nada d.o.o. podliježe obavezi prijave koncentracije, u smislu odredbi Zakona o konkurenciji.

Konkurencijsko vijeće u vezi obaveze prijave koncentracije navodi:

Član 12. stav (1) Zakona o konkurenciji utvrđuje da se koncentracijom u smislu ovog Zakona smatra:

- a) spajanje ili pripajanje nezavisnih privrednih subjekata ili dijelova privrednih subjekata.
- b) sticanje kontrole ili dominantnog uticaja jednog, odnosno više privrednih subjekata nad drugim, odnosno nad više drugih privrednih subjekata ili dijelom drugog privrednog subjekata, odnosno dijelovima drugih privrednih subjekata, i to:
 1. sticanjem kupovinom većine dionica ili udjela osnovnog kapitala; ili
 2. sticanje većine prava glasa; ili
 3. na drugi način, u skladu sa odredbama zakona koji regulišu osnivanje privrednih subjekata i njihovo upravljanje;
- c) zajedničko ulaganje na dugoročnoj osnovi, dva ili više nezavisnih privrednih subjekata, koji djeluju kao nezavisan privredni subjekt.

Članom 14. stav (1) Zakona, propisano je da su učesnici namjeravanu koncentraciju obavezni prijaviti kada su ispunjeni slijedeći uslovi:

- a) da ukupni godišnji prihod svih učesnika koncentracije ostvaren prodajom roba i/ili usluga na svjetskom tržištu iznosi 100.000.000,00 KM po završnom računu u godini koja je prethodila koncentraciji; i
- b) da ukupni godišnji prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM po završnom računu u godini koja je prethodila koncentraciji, ili ako je njihov zajednički tržišni udio veći od 40,0%.

Na osnovu dostavljenih podataka, Konkurencijsko vijeće smatra da učesnici koncentracije ne ispunjavaju uslov iz člana 12. stav (1) tačka a) Zakona, jer privredni subjekt Nada Transporti nije nezavisan, nego povezano društvo privrednog subjekta Nada d.o.o., budući da privredni subjekt Nada d.o.o. u istome ima 100% vlasničkih udjela, kao ni uslove iz člana 14. stav (1) pod a) i b) Zakona, te u tom smislu ne postoji obaveza podnošenja prijave koncentracije.

Ovo mišljenje je dato isključivo na osnovu podataka navedenih u Zahtjevu, te ukoliko dati podaci odstupaju od stvarnog činjeničnog stanja ovo mišljenje se ne može primijeniti.

**Predsjednik
Ivo Jerkić**

Dostavljeno:

- Advokat Anda Đurđević, ul. Nikole Pašića bb, 76230 Šamac, BiH

- a/a